



RECTOR
 ACADEMIÆ WITTENBERGENSIS,
THEODORUS
DASSOVIUS,
 POESEOS PROFESSOR PU-
 BLICUS ORDINARIUS, ET LL.
 OO. EXTRAORDINARIUS,
CIVIBUS ACADEMICIS

S. P. D.



QUANTUM NOBIS PROFUIT
FABULA DE CHRISTO! impro-
bissima vox quidem, sed ex auctoris sensu
eventuq; vera dicitur, Pontificis *Leonis*
X. commemorante *Paullo Jovio.* **SER-**
VORUM SERVI, sub humilitatis sche-
mate; colore sanctitatis **PETRI SUCCESSORES,** sci-
licet; auctoritatis specie **VICARII OMNIPOTENTIS**
CHRISTI; ex clavigeris armigeri, magistri Principum,
nec non Tyranni, temporis successu redditi, huc sæpè
impulerunt Reges, ut Judæos, Scythas, hominumq;ve
purgamenta, quàm addictos Protestantium religioni,
tolerare mallent. Quid enim, per Deum immorta-
lem, illa sibi plus quàm barbarica innocentissimorum
(ne de Regnis aliis & regionibus dicamus,) nuper qui-
dem incolarum, hominum per Gallias, Allobrogum
confinia & Pedemontanos saltus, oppidò miserrimo-
rum persecutio, ejectio, & propter excarnificandi
mille modos, agitata rabies designat aliud, quàm aper-
tam robustamq; contrà fidei purioris confessores con-
jurationem? Talia fatale imperandi nomen Roma, &
Romana Curia molitur; parturitq; molimenta nova
non obscure ampliùs in Anglia, Scotia, Hibernia; tri-
umphos publicat de victis penitùs inermibus; fulmi-
natrices machinas ostentat, ludos instruit festosq;ve
dies Roma cum Lutetia Parisiorum; nisi Deus interve-
niat ex abdito, non mitiorem in Alsatiam Argentora-
tumq; nobile cufura fabam. O reviviscant in Augustis
Caro-

Caroli, Henrici, Othones, Friderici Magni, Maximiliani, minimè passuri, ut Imperium exhauriatur superstitione & tyrannide sacratâ. Quæ hæc enimverò est Religio? extollere se super omnia divina & humana; Reges Principesque anathemate ferire; percussiores ac sicarios emittere in eosdem, teste Franciâ; dominium in universum affectare orbem; dispensare in flagitiosis casibus adversus Numinis oracula immota; tempora divinitus per Cæsares statuta pro arbitrio mutare; subditos absolvere à sacramento fidei, Principibus juratæ; lupanaria fovere, nundinationes in criminibus patris indulgere; soli Deo debitam devotionem miseris, confectis & confictis exhibere, divis; potestate seculi eximere cohortem rasam; instituere asyla pro facinorosis reis; interdicare conjugium religiosis, in antiquissimæ felicitatis statu, & auspicio cœlesti ordinatum, lege pariter Naturæ imperatum; partiri inter Reges orbem, profiteri nesciam erroris conscientiam; armatâ manu cogere ad superstitiones ritus homines; & quis enumeret innumera? Quæ porrò hæc humilitas & mansuetudo? Majestatem super & cœlestia, & terrena, & inferna sibi arrogare; triplici coronâ insolescere; blasphemiam committere in Papam venerabilem; fulgere purpurâ in fellâ plus quàm Regia, pedumque oscula requirere; à purpuratis Patribus religiosè coli & à plebe adorari velle? Si per summa tantùm capita ulterius iremus, & (quæ paradoxa post *Stapletonum, Bozium, Carerium, Prieriam, Singletonum, Montesperato, Mazaronium, Paschaliū, Saussayum, Peregrinum, Rossæum, Serarium, Theophilus Raynaudus* in corona triplici, *Philippus Alegambe, Bobadilla*, similisque furfuris Scriptores pro

pro idoli Romanensis eminentiâ, prolixis partim voluminibus afferre non erubuerunt;) plures istiusmodi exciperemus flores, dies nos & chartæ hæc deficeret augustia. Hi nempe fructus illi sunt, cum superat Heroës nimius religiosæ superstitionis amor, ut vim Majestatis in hoc genus dispensare superseant. Inverso potius agendum ordine; adversus maleferiatum, ventri deditum abundantemque bonis universis, sed nequiosâ paupertate gregem sordidum auctoritas divinitus concessa exercenda; caput ipsum, quod innumerabile examen stupet, veneratur, & pro Numine visibili agnoscit, laudatissimorum Cæsarium exemplo, adigendum ad obsequiosas artes; ut dediscat nimiam imaginariæ ^{ὕπερβροχῆς} opinionem. Instituto fanè prudentissimo incubuit, in id Nobilissimus & ex antiquâ gente, inter necessarios Magnificos præcipuâ vehendus laude Juvenis, **Boeckel Paul Borneseldt** / Patricius Lübecensis, dum de *Potestate Imperatorum circa electionem & subjectionem pariter Pontificis Romani*, gravibus stipatum rationibus & monumentis argumentum, quod selegit nuper, operâ non subitariâ elaboravit domi suæ, hodieque pomeridianis sacris absolutis in Acroaterio Majori ceremoniâ solenni recitare statuit. Vestrum, CIVES ACADEMICI, in auscultando honorificum officium exspectat; Nos, ut frequentissimo appareatis numero, vestrumque illi studium probetis, maximo perè censemus. P. P. Dominica V. post TRINITAT.

Anno salutis per Christum reparatæ
CIC IOC XXCVI.



47

RECTOR
 ACADEMIÆ WITTENBERGENSIS,
 THEODO
 DASSOVI
 POESEOS PROFES
 BLICUS ORDINARIU
 OO. EXTRAORDINA
 CIVIBUS ACADEM

S. P. D.

31

